




وجود یکدگری محوود سعی ابدن اممک
رفاه حالی بن اضطرابه بکزه دیرم
زمان و اهل زمانه تبصص ایتینی
خدا بیلیر شه عالیجنابه بکزه دیرم
باقنجه محشر عل من مزید عصره « رشید »
حیات ملتی یوم الحسابه بکزه دیرم



نظایره

شتاب انهب عمری شهابه بکزه دیرم
فروغ راحت برق سحابه بکزه دیرم
رجال عصر مزك کیزی کیزی صحبتی
ترنات بلند ربابه بکزه دیرم
کبار بی کرمك التفات بی سودین
تهی پیاله ده بوی شرابه بکزه دیرم
مزاج طیبینی اما که اهل مکرمک
لطیف شیشه اینچنده کلابه بکزه دیرم
حقیق صاندیم الفاظ چیققدی هپ تقلید
اکر که طوطی یه باقسم غرابه بکزه دیرم
خطوط نسخه امکانه ایله که نظر
مالی غیر معین کتابه بکزه دیرم
نقوش زینت شخص لیمه باقدنجه
عبوس چهره ده زرین نقابه بکزه دیرم
مزاج عالمه باقدنجه کنج عزاتی بن
حریم جنت نعم المأبه بکزه دیرم
روامیدر بوقدر خاشانه یغمالر
نهرشوته نه ده برار تکابه بکزه دیرم
شومر تکبری بکزنمه غیره انصاف ایت
یازیق دکلی دینسه کلابه بکزه دیرم
شوقبح مسلکی بالله سمت خالقدن
مقدمات ظهور غتابه بکزه دیرم

کلیرسه کوشمه آواز عکس آهمدر
 سپهر اعظمی تنها قبابه بکزه دیرم
 ینه امیدمی کسم حیات امتدن
 سحاب ایچنده قالان آفتابه بکزه دیرم
 (امیری) تشنه آب مروت اولدم آه
 ایکی کوزمدن آقان یاشی آبه بکزه دیرم
 نظیره ممکن اولورمی رشید پاشایه
 تلام دلکشی در نابه بکزه دیرم



تخمیس

صفای عالمی رؤیای خوابه بکزه دیرم
 موجات غمی نقش آبه بکزه دیرم
 حیات آدمی عمر حبابه بکزه دیرم
 فروغ مهر ومهی عپ سحابه بکزه دیرم
 بتون کدارش عهد تبابه بکزه دیرم
 شعوری وارمی بودنیایه میل ایدن شخصک
 عیان دکلمدر انجامی هرکان شخصک
 اولور رفیق وفاداری برکفن شخصک
 وفایی کورمدم عالمده بن دین شخصک
 خطاده اولسه ذهابی صوابه بکزه دیرم
 شراب شاعر احوالی شویله سوزدکجه
 مرکبات مهوسالی شویله سوزدکجه
 بتون منابع آمالی شویله سوزدکجه
 شولایقایی اقبالی شویله سوزدکجه
 کباره عرض اولنان اتسابه بکزه دیرم
 یاراندی نسخه کبرا وجود انسانی
 جناب رب ازل کبریای بی ثانی
 جهان ایچنده جهان ابتدی حسن خوبانی
 جهان جهان حرکات عجیب جانانی
 حیات ظاهره پرشتابه بکزه دیرم